



# Wewein an State eo Komman Jonan ko im Teej nan Katak

## Ta jonan ko nan katak?

Jonan Katak ko an State eo an Washington K-12 rej komelele ta ko aoleb rijikuul rej aikuj jela im maron kommani ilo kilaaj ko kajojo.

## Etke jej aikuji men kein?

Jonan katak ko retijek rej komman bwe rijikuul ro ren jela lomnak im komman kalmenlokjen kin kobban melele ko—im renjab killi wot enaan ko—bwe ren bojak nan jermal ko, kaloj, im mour alikin diwoj jen high school.

## Ewi jikin ko ilo kobban melele ewor jonan katakko?

Ewor jonan ko ilo kobban melele ko 13 ekoba bwinbwin, Kajin Belle, science, kein jermal kabel ko nan jelalokjen, im kajin ko an lal in.

## Etke ewor an state teej ko?

Jone wonmaanlok ko an rijikuul ikijen kabel ko raurok im jelalokjen ej menin aurok nan an baamle im rikaki ro jela elane rijikuul ro remaron kadruojlok kin elon kelet ko, ak elane raikuj bar jiban elablok ak wor aer ien nan katak ko reutiej lok.

Melele ko jen teej ko rej bar juon kein jiban nan jikuul ko, bukon ko, im state eo jiban rikaki ro kokomanmanlok aer lelok katak nan aoleb rijikuul. Teej ko nan aoleben state eo rej jiban lolorjak bwe aoleb rijikuul ro ilo jikuul ko an kien, jekdron jikuul eo rej bed ie, en wor aer ial nan juon jelalokjen eo emman.

## Aikuj ke wor teej ko an state?

Kakien ko an state im federal rej aikuj bwe rijikuul ro ren teej ilo:

- **Kajin Belle im bwinbwin:**  
Kilaaj 3 nan 8 im high school (rijikuul ro rej bok jonjon ko an Smarter Balanced)
- **Science:** Kilaj 5, 8, im 11

Nan lale ta teej ko aikuj nan kadruojlok jen high school, jouj im lale [www.WAtesting.com](http://www.WAtesting.com).

## 5 MOOL KO LONTATA ikijen jonan ko im jonjon in katak ko an Washington K-12

### 1 Kabel ko ilo lal in

Jonan ko im jonjon aurok ko ilo Washington rej ella ion kabel ko an lal in me rijikuul ro rej katak im komemel ilo kilaaj ko aer aoleb raan einwot aer make bukot uaak, kojerbal kolamenlokjen, im jeje. Ilo jonjon ko, rijikuul ro rej kwalok jermal ko aer, jeje, im komelele uaak ko aer einwot mottan madmodin jonjon eo, im melelein ej jone kabel im jelalokjen eo renaj aikuj in kotobare ilo jermal eo renaj kelete.

### 2 Kiili jabikbik ko

Jonjon ko rej jiban kalikar likjab in tobrak im komman bwe bukon in jikuul ko im state eo ren lelok jiban ko nan ijoko elabtata aikuji.

### 3 Teej ej juon wot wewein jonake

Teej ko an state ej juon ian kein kwalok ke relon, ekoba ibben repoot kaat ko, enaan ko jen rikaki, im jermal ko iloan kilaaj ko rej jermal nan kommane juon likio in bija nan am lale wonmaanlok eo an juon rijikuul.

### 4 Men ko rejimwe

Jonan ko nan katak ilo state eo an Washington im kein jonjon ko rej kommani nan kaboj rijikuul ro nan kaloj, jermal, im mour.

### 5 Ebellok nan aoleb rijikuul

Teej kein rej kommani non aoleb rijikuul ro, ekoba ro ewor aer utamwe im ro rej katak Kajin Belle (Smarter Balanced).

## KOLABLOK KATAK!

### Jonan ko nan Katak

[bit.ly/StateStandards](http://bit.ly/StateStandards)  
ak email-i [CoreStandards@k12.wa.us](mailto:CoreStandards@k12.wa.us)

### Teej ko an State

[www.WAtesting.com](http://www.WAtesting.com)  
ak email-i [StateTesting@k12.wa.us](mailto:StateTesting@k12.wa.us)

### Jiban Rijikuul eo am

Jikuul ko Remmon:  
<http://bit.ly/2tRyZoO>